




Broj: 01-50-1-15-26/16
Sarajevo, 17.3.2016.



PRIMLJENO:			
Organizaciona jedinica	Klasifikaciona oznaka	Redni broj	Broj priloga

ZAPISNIK

26. sjednice Predstavničkog doma Parlamentarne skupštine Bosne i Hercegovine, održane 17. 3. 2016.

Sjednica je počela u 10,10 sati. Prisustvovao je 41 poslanik.

Odsustvo je opravdao poslanik Staša Košarac.

Sjednici su prisustvovali predsjedavajući i članovi Vijeća ministara BiH, predstavnik Ureda za reviziju institucija, parlamentarni vojni povjerenik i predstavnik Odbora za žalbe građana PSBiH.

Iz međunarodnih organizacija sjednicu su pratili predstavnici OHR-a, Misije OSCE-a, EUSR-a i USAID-a, a iz nevladinih organizacija prisustvovao je predstavnik CCI-ja.

Predsjedavajuća Doma Borjana Krišto rekla je da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- Dušanka Majkić – predsjedavajućem Vijeća ministara BiH;
- Borislav Bojić – predsjedavajućem Vijeća ministara BiH;
- Safer Demirović - predsjedavajućem Vijeća ministara BiH;
- Hazim Rančić – ministrici odbrane BiH;
- Predrag Kožul – ministru pravde BiH;
- Senad Šepić - predsjedavajućem Vijeća ministara BiH;
- Damir Bećirović - predsjedavajućem Vijeća ministara BiH;
- Amir Fazlić - predsjedavajućem Vijeća ministara BiH;
- Salko Sokolović - predsjedavajućem Vijeća ministara BiH;
- Mirsad Mešić – zamjeniku ministra komunikacija i prometa BiH;
- Denis Bećirović - predsjedavajućem Vijeća ministara BiH;
- Nermina Kapetanović – ministrici za ljudska prava i izbjeglice BiH;
- Saša Magazinović - predsjedavajućem Vijeća ministara BiH;
- Diana Zelenika - predsjedavajućem Vijeća ministara BiH;
- Damir Arnaut - predsjedavajućem Vijeća ministara BiH;
- Mirsad Isaković - predsjedavajućem Vijeća ministara BiH;
- Borjana Krišto – predsjedavajućem Vijeća ministara BiH i ministru pravde BiH;
- Maja Gasal-Vražalica – ministru vanjske trgovine i ekonomskih odnosa BiH;
- Mirsad Đonlagić - ministru pravde BiH.

Ove najave su, u skladu s članom 168. Poslovnika, dostavljene predsjedavajućem Vijeća ministara BiH i onom članu Vijeća ministara BiH na koga se pitanje odnosi. Predsjedavajuća je podsjetila da je osiguran direktan TV prijenos ovog dijela sjednice, u skladu s članom 168. stav (1) Poslovnika.

Nakon ovih napomena, pristupilo se usmenom postavljanju poslaničkih pitanja i davanju odgovora redoslijedom dostavljanja najava.

Dužanka Majkić

Pitanje upućeno predsjedavajućem Vijeća ministara BiH: „Ovog puta moje pitanje se odnosi na stanje u diplomatskim misijama Bosne i Hercegovine, kojih ima šest. Zaista tražim da mi se kaže kakvo je stanje kad je u pitanju kadrovska struktura ljudi, popunjenost, koliko se radi tu o ... diplomatama koji su došli iz MIP-a i tu stekli svoj zanat i iskustvo, a koliko ljudi koji su iznenada došli s različitih mjesta? Tako da vidimo otprilike ko nam vodi i kakva nam je popunjenost diplomatskih misija Bosne i Hercegovine u svijetu. Tako da ću onda imati prilike na narednim sjednicama da valjda postavim i vezano za DKP mrežu.”¹

Ministar vanjskih poslova BiH Igor Crnadak dao je odgovor. Poslanica Dužanka Majkić komentirala je dati odgovor.

Borislav Bojić

Pitanje upućeno predsjedavajućem Vijeća ministara BiH: „Šta ste preduzeli u vezi s pitanjem realizacije zaključka 2. (usvojen na 14.sjednici Predstavničkog doma PSBiH, održanoj 30.6.2015., i 7. sjednici Doma naroda PSBiH, održanoj 15.7.2015., povodom rasprave o Informaciji Državne regulatorne agencije za radijacijsku i nuklearnu sigurnost BiH o sigurnosti zbrinjavanja radioaktivnog otpada na Trgovskoj gori), kojim je utvrđeno sljedeće:

- a) potrebno je formirati Radnu grupu za praćenje stanja i aktivnosti u vezi s mogućom izgradnjom odlagališta nukleranog otpada na lokaciji Trgovska gora, općina Dvor;
- b) članovi Radne grupe treba da budu predstavnici: Parlamentarne skupštine BiH, Ministarstva vanjske trgovine i ekonomskih odnosa BiH, Ministarstva vanjskih poslova BiH, Državne regulatorne agencije za radijacijsku i nuklearnu sigurnost BiH, relevantnih entitetskih ministarstava i lokalnih zajednica;
- c) predsjedavajući Radne grupe treba da bude kontakt osoba (focal point) za Konvenciju iz ESPO-a;
- d) Radnu grupu treba da formira Vijeće ministara BiH.

Predsjedavajući Vijeća ministara BiH Denis Zvizdić dao je odgovor. Poslanik Borislav Bojić komentirao je dati odgovor.

Safer Demirović

Pitanje upućeno predsjedavajućem Vijeća ministara BiH: „Da li Vijeće ministara BiH planira izradu, odnosno kada bi Bosna i Hercegovina mogla dobiti zakon o zaštiti od požara?“

Predsjedavajući Vijeća ministara BiH Denis Zvizdić dao je odgovor. Poslanik Safer Demirović komentirao je dati odgovor.

Hazim Rančić

Pitanje upućeno ministarici odbrane BiH: „Da li ste pripremili i objavili tendere za nabavke robe i usluga neophodnih za funkcioniranje Ministarstva odbrane BiH i Oružanih snaga BiH za 2016. godinu? Budžet institucija BiH je usvojen, što je osnovna pretpostavka za

¹ Izvod iz neautoriziranog transkripta 26. sjednice Predstavničkog doma PSBiH

raspisivanje tendera za nabavku robe i usluga neophodnih za funkcioniranje Ministarstva odbrane BiH i Oružanih snaga BiH. Da li ste to uradili?"²

Ministrica odbrane BiH Marina Pendeš komentirala je pitanje, te rekla da će odgovor dostaviti u pisanoj formi. Poslanik Hazim Rančić izrazio je nezadovoljstvo zbog toga što mu ministrica nije odgovorila na pitanje.

Predrag Kožul

Pitanje upućeno ministru pravde BiH: „, Ovih dana navršila se 21 godina od nestanka generala HVO-a Vlade Šantića. Zadnji put je viđen u bihaćkom hotelu „Sedra“, odakle su ga odveli pripadnici vojne policije V. korpusa Armije BiH. Do danas nije razjašnjena sudbina generala Šantića. Molim informaciju o statusu i sudbini istrage u ovom slučaju i informaciju namjerava li Tužilaštvo BiH ponovo preuzeti ovaj slučaj s obzirom na vrijeme događanja i status osoba iz slučaja.“

Ministar pravde BiH Josip Grubeša dao je odgovor. Poslanik Predrag Kožul komentirao je dati odgovor.

Senad Šepić

Pitanje upućeno predsjedavajućem Vijeća ministara BiH: „Šta Vijeće ministara BiH konkretno radi na izradi i usvajanju zakona o zabrani djelovanja organizacija koje šire nacionalnu, vjersku, etničku, rasnu i svaki drugi vid mržnje u BiH?“

Predsjedavajući Vijeća ministara BiH Denis Zvizdić dao je odgovor. Poslanik Senad Šepić komentirao je dati odgovor.

Damir Bećirović

Pitanje upućeno predsjedavajućem Vijeća ministara BiH: „Da li Državna regulatorna komisija za električnu energiju BiH čije je sjedište u Tuzli ima službene prostorije koje iznajmljuje u drugim gradovima, van zakonski definiranog sjedišta, u Bosni i Hercegovini? Koliko se plaća prostor koji iznajmljuje Državna regulatorna komisija za električnu energiju BiH u Tuzli, a kolika je cijena zakupa službenih prostorija u drugim gradovima (Banja Luka, Sarajevo, Mostar - ako se u nekom od gradova više ne plaća zakupnina, da se odgovori koliko se plaćalo godišnje i ukupno u periodu od osnivanja DERK-a BiH do otkazivanja prostora za rad)? Kojom odlukom i na osnovu kojeg pravnog akta je regulirano da se iznajme službene kancelarije van sjedišta DERK-a BiH, Tuzle, koje su to potrebe za tim i da li su nadležno Ministarstvo vanjske trgovine i ekonomskih odnosa BiH, Vijeće ministara BiH i Parlamentarna skupština BiH o tome upoznati? Pored toga, molim vas da odgovorite koliko zaposlenika ima DERKBiH, koliko ih radi u Tuzli, a koliko ih radi van sjedišta u Sarajevu, Banjoj Luci... Da li zaposlenici DERK-a BiH koji rade van sjedišta u Tuzli naplaćuju putni nalog za službeni put za dolazak iz Sarajeva ili Banje Luke na sastanke u Tuzlu? Zašto DERKBiH ne radi na kupovini zgrade ili poslovnih prostorija za smještaj institucije, da li to ima u planu i ako nema zašto nema te zašto DERKBiH nije dao, i kada će konačno dati, saglasnost Nezavisnom operatoru sistema BiH za kreditno zaduženje kod EBRD-a s ciljem izgradnje poslovne zgrade za smještaj NOS-a BiH?“

Predsjedavajući Vijeća ministara BiH Denis Zvizdić dao je odgovor. Poslanik Damir Bećirović komentirao je dati odgovor i zatražio da se dostavi u pisanoj formi.

Amir Fazlić

Pitanje upućeno predsjedavajućem Vijeća ministara BiH: „Šta je urađeno na realizaciji zaključaka Vijeća ministara BiH donesenih na 34. sjednici, održanoj 9.12.2015., a vezanih za smještaj institucija BiH?“

² Izvod iz neautoriziranog transkripta 26. sjednice Predstavničkog doma PSBiH

Predsjedavajući Vijeća ministara BiH Denis Zvizdić dao je odgovor. Poslanik Amir Fazlić komentirao je dati odgovor.

Salko Sokolović

Pitanje upućeno predsjedavajućem Vijeća ministara BiH (u vezi s pregovorima između Evropske komisije i pregovaračkog tima Bosne i Hercegovine o usklađivanju Sporazuma o stabilizaciji i pridruživanju u vezi s tzv. tradicionalnom trgovinom, koje otežava posljednji zahtjev EU da se poljoprivredno-prehrambeni proizvodi koji nisu dio Sporazuma uvrste u taj dokument): „Da li je ovakav stav Evropske komisije vid ucjene spram naše države? Zašto smjernice za razgovor našeg pregovaračkog tima usvojene u Vijeću ministara BiH nisu upućene u Predstavnički dom Parlamentarne skupštine BiH, da ih Dom razmotri i utvrdi konačan prijedlog?”

Predsjedavajući Vijeća ministara BiH Denis Zvizdić dao je odgovor.

Mirsad Mešić

Pitanje upućeno zamjeniku ministra komunikacija i prometa BiH: „Na koji način je u Bosni i Hercegovini uređena oblast upotrebe zrakoplovnih sistema na daljinsko upravljanje, tzv. dronova, te koliko su oni stvarna opasnost po sigurnost zrakoplovnog saobraćaja?”

Zamjenik ministra komunikacija i prometa BiH Saša Dalipagić dao je odgovor. Poslanik Mirsad Mešić komentirao je dati odgovor.

Denis Bećirović

Pitanje upućeno predsjedavajućem Vijeća ministara BiH: „Moje pitanje upućeno je predsjedavajućem Zvizdiću i odnosi se na sve učestalije pokušaje nepoštivanja konačne arbitražne odluke vezano za Brčko Distrikt BiH. Naime, prije 16 godina je i formalno-pravno uspostavljen Distrikt BiH na osnovu odredbi i Dejtonskog mirovnog sporazuma i kasnije arbitraže koja je proistekla iz tih odredbi. Međutim, očigledno da ima snaga koje ne poštuju konačnu arbitražnu odluku vezano za Brčko Distrikt BiH. A ja podsjećam i ovom prilikom da u konačnoj arbitražnoj odluci vezano za Brčko Distrikt BiH stoji da je Distrikt pod ekskluzivnim suverenitetom države Bosne i Hercegovine i da je ta odluka konačna i obavezujuća. Čak u jednom dijelu te konačne odluke u vezi s Brčko Distriktom stoji da, ako se dogodi da neka od strana ne poštuje konačnu arbitražnu odluku vezano za Brčko Distrikt, može doći i do dopunskog rješenja u formi kazne. I uprkos takvim izričitim odredbama predsjednik entiteta Republike Srpske Milorad Dodik prije nekoliko sedmica javno ponavlja tezu da je Brčko Distrikt grunt Republike Srpske.”³

Predsjedavajući Vijeća ministara BiH Denis Zvizdić dao je odgovor. Poslanik Denis Bećirović komentirao je dati odgovor.

Nermina Kapetanović

Pitanje upućeno ministrici za ljudska prava i izbjeglice BiH: „Kada će Ministarstvo za ljudska prava i izbjeglice BiH, posredstvom Vijeća ministara BiH, dostaviti Parlamentarnoj skupštini BiH izvještaj o pojavama diskriminacije i u vezi s tim predložiti konkretne zakonodavne ili druge mjere?”

Ministrica za ljudska prava i izbjeglice BiH Semiha Borovac nije prisustvovala sjednici, te je poslanica Nermina Kapetanović zatražila odgovor u pisanoj formi.

Saša Magazinović

Pitanje upućeno predsjedavajućem Vijeća ministara BiH: „Da li je Vijeće ministara BiH raspravljalo o izmjenama Izbornog zakona, i budući da se radi o veoma važnom pitanju za

³ Izvod iz neautoriziranog transkripta 26. sjednice Predstavničkog doma PSBiH

čitavu državu, o pojedinim aspektima toga, posebno evo stavljam opet akcenat na grad Mostar? I drugo pitanje – Da li ministri koji učestvuju u radu Interresorne radne grupe zastupaju svoje lične stavove ili usaglašeni stav Vijeća ministara BiH?”⁴

Predsjedavajući Vijeća ministara BiH Denis Zvizdić dao je odgovor. Poslanik Saša Magazinović komentirao je dati odgovor.

Diana Zelenika

Pitanje upućeno predsjedavajućem Vijeća ministara BiH: „Zašto Vijeće ministara BiH još uvijek nije dostavilo mišljenje na Prijedlog zakona o izmjenama i dopunama Zakona o Vijeću ministara BiH?“

Predsjedavajući Vijeća ministara BiH Denis Zvizdić dao je odgovor. Poslanica Diana Zelenika prokomentirala je dati odgovor.

Damir Arnaut

Pitanje upućeno predsjedavajućem Vijeća ministara BiH: „Koje su konkretne aktivnosti preduzeli Vijeće ministara BiH i njegova tijela s ciljem provođenja deklaracija iz Interlakena i Brightona, posebno po pitanju edukacije o obavezama iz Evropske konvencije koje se tiču prava na slobodu, prava na zaštitu privatnosti, prava na pravičan sudski postupak, a uzimajući u obzir sve očiglednija kršenja ovih prava u Bosni i Hercegovini?“⁵

Predsjedavajući Vijeća ministara BiH Denis Zvizdić dao je odgovor. Poslanik Damir Arnaut komentirao je dati odgovor.

Mirsad Isaković

Pitanje upućeno predsjedavajućem Vijeća ministara BiH: „S obzirom na to da je Prijedlog zakona o budžetu institucija i međunarodnih obaveza BiH za 2016. godinu usvojen, molim Vas da nam date podatke koliko je ekonomskih kodova doživjelo predispoziciju, u kom iznosu za prva dva mjeseca od strane budžetskih korisnika, naravno uz saglasnost Vijeća ministara BiH.“

Ministar finansija i trezora BiH Vjekoslav Bevanda dao je odgovor. Poslanik Mirsad Isaković komentirao je dati odgovor i zatražio da se odgovor dostavi u pisanoj formi.

Borjana Krišto

Pitanje upućeno predsjedavajućem Vijeća ministara BiH i ministru pravde BiH: „Šta će Ministarstvo pravde BiH, odnosno Vijeće ministara BiH kao predlagač zakona učiniti s ciljem izmjene zakonskih propisa iz oblasti krivičnog zakonodavstva kako bi se na jasan način propisale procedure i odgovornost nosilaca pravosudnih dužnosti u postupcima od podnošenja neosnovanih optužnica do odluka kojima se isplaćuju višemilionske odštete zbog nezakonitog držanja u pritvoru i sudskih troškova, a kojima se na poseban način vrijeđa čast i ugled te osnovna ljudska prava oštećenih lica i njihovih porodica a i ugled same Bosne i Hercegovine?“

Ministar pravde BiH Josip Grubeša dao je odgovor.

Maja Gasal-Vražalica

Pitanje upućeno ministru vanjske trgovine i ekonomskih odnosa BiH: „Da li ste Vi, uvaženi ministre, upoznati s tim da je direktor Ureda za veterinarstvo BiH odbio učestvovati u kampanji Svjetske organizacije za zdravlje životinja (OIE) te da će zbog tog odbijanja Bosna i Hercegovina biti jedina zemlja na Balkanu koja neće početi s kampanjom? Time je Bosna i

⁴ Izvod iz neautoriziranog transkripta 26. sjednice Predstavničkog doma PSBiH

⁵ Izvod iz neautoriziranog transkripta 26. sjednice Predstavničkog doma PSBiH

Hercegovina poslala jako loš signal Evropskoj uniji, a svojim građanima i građankama ovim činom pokazala da nema problema s psima lualicama?"

Ministar vanjske trgovine i ekonomskih odnosa BiH Mirko Šarović dao je odgovor. Poslanica Maja Gasal -Vražalica komentirala je dati odgovor i zatražila da se dostavi u pisanoj formi.

Mirsad Đonlagić

Pitanje upućeno ministru pravde BiH: „Ja ću se obratiti pitanjem ministru pravde BiH, a u vezi s dobro poznatim okolnostima koje su se desile prilikom izuzimanja ljekarske dokumentacije za hospitaliziranog gospodina Radončića..... Da li on ima komentar na ovo, jer je očito da se ovdje radi o povredama Zakona o zaštiti ličnih podataka, kakav je njegov komentar, kakav je njegov stav, da li on lično, ili Ministarstvo, ima namjeru šta preduzeti po ovom pitanju? A posebno ovo, naglasio bih da me raduje, da sam čuo i pitanje koje je postavila gospođa predsjedavajuća, dakle na neki način je ovo direktno vezano za te probleme koje smo imali prilike čuti u uvodnom izlaganju gospođe predsjedavajuće ali, naravno, i u odgovoru gospodina ministra. Dakle, ovdje, po meni, je ovo jedna stvar koja je izuzetno ozbiljna, međutim kako je protok vremena, nama se to sve nekako čini kao normalno i naše reakcije potpuno slabe i mi smo jednostavno postali neosjetljivi na povredu ljudskih prava i na povredu Zakona o zaštiti ličnih podataka. Ja bih molio gospodina ministra, ukoliko može, da mi da odgovor na ovo pitanje. Dakle, šta misli uraditi po ovome i da li se radi ovdje o kršenju Zakona o zaštiti ličnih podataka?"⁶

Ministar pravde BiH Josip Grubeša komentirao je postavljeno pitanje. Poslanik Mirsad Đonlagić zatražio je odgovor u pisanoj formi.

U vezi sa izmjenama i dopunama dnevnog reda sjednice, predsjedavajuća je napomenula sljedeće:

S ranijeg dnevnog reda skinute su:

Tačka 5. - Prijedlog zakona o izmjenama i dopunama Zakona o plaćama i naknadama u institucijama Bosne i Hercegovine, predlagač: Vijeće ministara BiH, zakon broj: 01,02-02-1-93/16, od 17.2.2016. (prvo čitanje) – u skladu s obavještenjem Ustavnopravne komisije Predstavničkog doma PSBiH;

Tačka 22. - Izvještaj o realizaciji Revidirane strategije Bosne i Hercegovine za provođenje Aneksa VII. Dejtonskog mirovnog sporazuma, podnosilac: Ministarstvo za ljudska prava i izbjeglice BiH, broj: 01,02-37-433/16, od 5.2.2016. – u skladu sa zahtjevom podnosioca Izvještaja i

Tačka 33. - Davanje saglasnosti za ratificiranje Protokola o prekograničnom nadzoru između Vijeća ministara BiH i Vlade Crne Gore, broj: 01,02-05-2-577/16, od 17.2.2016. – u skladu sa zahtjevom Komisije za vanjske poslove Predstavničkog doma PSBiH.

U dnevni red dodate su:

⁶ Izvod iz neautoriziranog transkripta 26. sjednice Predstavničkog doma PSBiH

Tačka 3. – Zahtjev Vijeća ministara BiH za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, zakon broj: 01,02-02-1-637/16, od 22.2.2016.;

Tačka 23. – Specijalni izvještaj o (ne)poštivanju ljudskih prava i prava iz oblasti rada u kompaniji „Boksit“ Milići, s preporukama, podnosilac: Institucija ombudsmena za ljudska prava BiH, akt broj: 03/6-37-471/16, od 9.2.2016. i

Tačka 31. – Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, predlagач: Zajednički kolegij oba doma PSBiH, broj: 01,02-50-14-838/16, od 16.3.2016.

Nakon ovih napomena otvorena je rasprava o dnevnom redu sjednice.

U raspravi su učestvovali: Denis Bećirović, Maja Gasal-Vražalica, Nikola Lovrinović, Predrag Kožul, Damir Arnaut, Aleksandra Pandurević, Borjana Krišto, Salko Sokolović, Mirsad Đonlagić, Momčilo Novaković, Šefik Džaferović, Dušanka Majkić, Jasmin Emrić, Mirsad Isaković, Zaim Backović, Nikola Špirić, Lazar Prodanović, Mirsad Mešić, Sadik Ahmetović i Senad Šepić.

Poslanici Denis Bećirović i Jasmin Emrić predložili su da se tačka 32. Davanje saglasnosti za ratificiranje Protokola o saradnji u traženju nestalih lica između Vijeća ministara BiH i Vlade Republike Srbije, broj: 01,02-05-2-541/16, od 15.2.2016., skine s dnevnog reda sjednice.

Poslanica Maja Gasal-Vražalica predložila je da se u dnevni red uvrsti tačka: Usvajanje zaključka u vezi sa isplatom neisplaćenih uloga devizne štednje Ljubljanske banke – Filijala Sarajevo“, te da se izvještaji o radu: Komisije za vanjsku trgovinu i carine Predstavničkog doma za 2015. godinu, Zajedničke komisije za nadzor nad radom obavještajno – sigurnosne agencije BiH za 2015. godinu i Zajedničke komisije za administrativne poslove za 2015. godinu skinu s dnevnog reda sjednice.

Poslanik Nikola Lovrinović predložio je da se tačka 3. Zahtjev Vijeća ministara BiH za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, zakon broj: 01,02-02-1-637/16, od 22.2.2016., skine s dnevnog reda sjednice.

Poslanik Zaim Backović predložio je da se tačka 5. Prijedlog zakona o dopunama Zakona o odlikovanjima Bosne i Hercegovine, predlagач: Vijeće ministara BiH, zakon broj: 01,02-02-1-37/15 od 16. 2. 2016. (prvo čitanje) i tačka 32. Davanje saglasnosti za ratificiranje Protokola o saradnji u traženju nestalih lica između Vijeća ministara BiH i Vlade Republike Srbije, broj: 01,02-05-2-541/16, od 15.2.2016., skinu s dnevnog reda sjednice.

Nakon rasprave i iznesenih prijedloga, predsjedavajuća je rekla da su tačke koje su već na dnevnom redu sjednice poslovnički obavezne tačke, te da se neće izjašnjavati o njihovom skidanju s dnevnog reda. Što se tiče prijedloga Maje Gasal-Vražalice za dopunu dnevnog reda sjednice, predsjedavajuća je rekla da za predloženu tačku nemaju materijala za raspravu, te se neće izjašnjavati ni o ovom prijedlogu.

Zatim se prešlo na glasanje o prijedlogu Nikole Lovrinovića da se tačka 3. Zahtjev Vijeća ministara BiH za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, zakon broj: 01,02-02-1-637/16, od 22.2.2016., skine s dnevnog reda sjednice. Prijedlog nije usvojen. „Za“ je glasalo 10 poslanika (iz Federacije BiH pet, iz Republike Srpske pet), „protiv“ je bilo 26, a „suzdržana“ su bila dva poslanika.

Predsjedavajuća je konstatirala da 26. sjednica Predstavničkog doma ima sljedeći

DNEVNI RED

1. Usvajanje Zapisnika 25. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev Vijeća ministara BiH za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, zakon broj: 01,02-02-1-637/16, od 22.2.2016.;
4. Prijedlog zakona o izmjenama i dopunama Zakona o kontroli kretanja oružja i vojne opreme, predlagač: Vijeće ministara BiH, broj: 01,02-02-1-36/15, od 28.12.2015. (drugo čitanje);
5. Prijedlog zakona o dopunama Zakona o odlikovanjima Bosne i Hercegovine, predlagač: Vijeće ministara BiH, zakon broj: 01,02-02-1-37/15, od 16.2.2016. (prvo čitanje);
6. Prijedlog službene verzije prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera, predlagač: Ustavnopravna komisija Predstavničkog doma, broj: 01/1-50-3-1-23/16, veza: 01/1,02/1-02-22/15, od 4.2.2016.;
7. Prijedlog službene verzije prečišćenog teksta Zakona o državljanstvu Bosne i Hercegovine, predlagač: Ustavnopravna komisija Predstavničkog doma, broj: 01/1-50-3-1-23/16, veza: 01,02-02-1-13/15, od 4.2.2016.;
8. Izvještaj o radu parlamentarnog vojnog povjerenika BiH za 2015., broj: 01,02-50-19-419/16, od 4.2.2016.;
9. Izvještaj o radu Odbora za žalbe građana PSBiH za 2015., broj: 01,02-50-19-469/16, od 8.2.2016.;
10. Izvještaj o radu Ustavnopravne komisije Predstavničkog doma za 2015. godinu, broj: 01/1-50-3-180/16, od 3.3.2016.;
11. Izvještaj o radu Komisije za vanjske poslove Predstavničkog doma za 2015. godinu, broj: 01/2-50-3-180/16, od 15.2.2016.;
12. Izvještaj o radu Komisije za vanjsku trgovinu i carine Predstavničkog doma za 2015. godinu, broj: 01/3-50-3-371/16, od 1.2.2016.;
13. Izvještaj o radu Komisije za finansije i budžet Predstavničkog doma za 2015. godinu, broj: 01/4-50-3-180/16, od 11.2.2016.;
14. Izvještaj o radu Komisije za saobraćaj i komunikacije Predstavničkog doma za 2015. godinu, broj: 01/5-50-3-180/16, od 13.1.2016.;
15. Izvještaj o radu Komisije za ostvarivanje ravnopravnosti spolova Predstavničkog doma za 2015. godinu, broj: 01-50-3-180/16, od 7.3.2016.;
16. Izvještaj o radu Zajedničke komisije za odbranu i sigurnost BiH za 2015. godinu, broj: 03/1-50-14-237/16, od 1.2.2016.;
17. Izvještaj o radu Zajedničke komisije za nadzor nad radom Obavještajno-sigurnosne agencije BiH za 2015. godinu, broj: 01,02-50-14-237/16, od 15.2.2016.;

18. Izvještaj o radu Zajedničke komisije za ekonomske reforme i razvoj za 2015. godinu, broj: 03/3-50-14-237/16, od 4.2.2016.;
19. Izvještaj o radu Zajedničke komisije za evropske integracije za 2015. godinu, broj: 01,02-50-14-237/16, od 19.1.2016.;
20. Izvještaj o radu Zajedničke komisije za administrativne poslove za 2015. godinu, broj: 03/5-50-14-237/16, od 8.2.2016.;
21. Izvještaj o radu Zajedničke komisije za ljudska prava za 2015. godinu, broj: 03/6-50-14-237/16, od 10.2.2016.;
22. Specijalni izvještaj „Pristupačnost radnih prostora zakonodavnih organa u Bosni i Hercegovini licima s invaliditetom“, podnosilac: Institucija ombudsmena za ljudska prava BiH, broj: 01,02,03-12-501/16, od 10.2.2016.;
23. Specijalni izvještaj o (ne)poštivanju ljudskih prava i prava iz oblasti rada u kompaniji „Boksit“ Milići, s preporukama, podnosilac: Institucija ombudsmena za ljudska prava BiH, akt broj: 03/6-37-471/16, od 9.2.2016.;
24. Dopis Ureda za reviziju institucija, akt broj: 01-16-1-227/16, od 18.1.2016.;
25. Razmatranje poslaničke inicijative Damira Arnauta, broj: 01-50-1-441/16, od 8.2.2016.;
26. Razmatranje poslaničke inicijative Damira Arnauta, broj: 01-50-1-442/16, od 8.2.2016.;
27. Razmatranje poslaničke inicijative Mensure Beganović, broj: 01-50-1-504/16, od 11.2.2016.;
28. Razmatranje poslaničke inicijative Maje Gasal-Vražalice, broj: 01-50-1-537/16, od 12.2.2016.;
29. Dopuna godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2016., podnosilac: Ministarstvo odbrane BiH, broj: 03/1,03/1a-03-339-1/15, od 19.2.2016.;
30. Izvještaj o utvrđivanju rang-liste kandidata za imenovanje zamjenika generalnog revizora Ureda za reviziju institucija BiH, materijal Privremene zajedničke komisije oba doma PSBiH za provođenje procedure za imenovanje zamjenika generalnog revizora Ureda za reviziju institucija BiH, broj: 01,02-34-2-551/16, od 15.2.2016.;
31. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, predlagач: Zajednički kolegij oba doma PSBiH, broj: 01,02-50-14-838/16, od 16.3.2016.;
32. Davanje saglasnosti za ratifikaciju Protokola o saradnji u traženju nestalih lica između Vijeća ministara BiH i Vlade Republike Srbije, broj: 01,02-05-2-541/16, od 15.2.2016.;
33. Davanje saglasnosti za ratifikaciju Okvirnog sporazuma o zajmu između Razvojne banke Vijeća Evrope i Bosne i Hercegovine LD 1836 (2014.) – kredit za socijalni program stambenog zbrinjavanja u Bosni i Hercegovini, u Republici Srpskoj, koji provodi Investiciono-razvojna banka Republike Srpske (IRBRS), broj: 01,02-05-2-542/16, od 15.2.2016.

* * * * *

Ad.1. Usvajanje Zapisnika 25. sjednice Predstavničkog doma Parlamentarne skupštine BiH

Predsjedavajuća je napomenula da je poslanicima dostavljen Zapisnik.

Nije bilo rasprave.

Zapisnik 25. sjednice usvojen je s 35 glasova "za" (iz Federacije BiH 24, iz Republike Srpske 11), bez glasova „protiv“ i dva glasa „suzdržan“.

Ad.2. Komentari na dobivene odgovore na poslanička pitanja

U skladu s članom 170. Poslovnika, do ove sjednice Doma pitanja i inicijative u pisanoj formi postavili su poslanici:

- **Damir Arnaut** postavio dva pitanja ministaru pravde BiH i dva pitanja predsjedavajućem Vijeća ministara BiH,
- **Amir Fazlić** postavio pitanje predsjedavajućoj Ureda za razmatranje žalbi,
- **Safer Demirović** postavio pitanje predsjedniku Visokog sudskog i tužilačkog vijeća BiH,
- **Maja Gasal-Vražalica** postavila je pitanje ministaru pravde BiH,
- **Mirsad Đonlagić** postavio je dva pitanja predsjedavajućem Vijeća ministara BiH, jedno pitanje ministru vanjskih poslova BiH i uputio jednu inicijativu Ministarstvu civilnih poslova BiH.

Sadržaj postavljenih pitanja i inicijativa je sljedeći:

Damir Arnaut

Pitanja postavljena ministaru pravde BiH (u vezi s (ne)usklađenošću Prijedloga zakona o izmjenama i dopunama Zakona o udruženjima i fondacijama BiH sa Zakonom o radu u institucijama BiH) :

1. Da li Ministarstvo pravde BiH planira inicirati izmjene i dopune Zakona o radu u institucijama BiH kako bi se ove potencijalne nejasnoće izbjele? te
2. Da li Ministarstvo pravde BiH planira u sklopu takvih izmjena i dopuna Zakona o radu u institucijama BiH predložiti i izmjene tog zakona koje također nisu usklađene s relevantnim odredbama Zakona o udruženjima i fondacijama BiH, poput, primjera radi, obaveze iz člana 61. stav 4. Zakona o radu u institucijama BiH o imenovanju prvostepene disciplinske komisije koja ima šest članova („predsjednika i dva člana i isto toliko zamjenika“), među kojim ne može biti poslodavac, iako se Zakonom o udruženjima i fondacijama BiH predviđa da udruženje mogu osnovati samo tri lica, a fondaciju samo jedno lice, odnosno obaveze iz člana 64. stav 2. Zakona o radu u institucijama BiH koja predviđa čak deset članova drugostepene disciplinske komisije („predsjednik i četiri člana i isto toliko zamjenika“), a što značajan broj udruženja jednostavno ne može zadovoljiti?“

Pitanja postavljena predsjedavajućem Vijeća ministara BiH:

1. Koje mjere i kada planirate preduzeti kako bi Bosna i Hercegovina konačno samostalno utvrdila normalne polazne crte za mjerenje širine teritorijalnog mora, odnosno crte niske vode uzduž obale, u skladu s članom 5. Konvencije UN-a o pravu mora (UNCLOS)?
2. Koje mjere i kada planirate preduzeti kako bi Bosna i Hercegovina konačno:
 - a) povukla ravne polazne crte koje spajaju prikladne tačke morske obale Bosne i Hercegovine, u skladu s članom 7. UNCLOS-a
 - b) povukla crtu kojom se zatvara Neumski zaljev, u skladu s članom 10. UNCLOS-a, odnosno

c) eventualno kombinirala te i druge modele, u skladu s članom 14. UNCLOS-a?

Amir Fazlić

Pitanje postavljeno predsjedavajućoj Ureda za razmatranje žalbi:

„Da li je Ured za razmatranje žalbi BiH uskladio svoje podzakonske akte sa Zakonom o javnim nabavkama nakon imenovanja članova Ureda za razmatranje žalbi i uspostavljanja filijala u Banjoj Luci i Mostaru, te šta je preduzeto na osposobljavanju i prijemu državnih službenika u filijalama Banja Luka i Mostar?“

Safer Demirović

Pitanje postavljeno Visokom sudskom i tužilačkom vijeću BiH:

„Koliko ima uposlenica u pravosudnim institucijama BiH i koje poslove obavljaju (sudije, tužioci, referenti i dr.), a nose hidžab/maramu i na koje bi se mogla odnositi „sporna“ odluka VSTV-a BiH o skretanju pažnje na zabranu nošenja vjerskih obilježja?“

Maja Gasal-Vražalica

Pitanje postavljeno ministru pravde BiH:

„Zašto Upravna inspekcija nije izvršila nadzor u Uredu za veterinarstvo BiH po zahtjevu stranke iz 2014. godine koji se rješava po hitnom postupku, iako je nakon toga bila u instituciji po redovnom nadzoru i kako je zatvoren upravni postupak u ovom slučaju? Ko je odgovoran za ovakav postupak i očigledni propust Upravne inspekcije i šta Vi kao ministar pravde BiH namjeravate preduzeti u ovom slučaju?“

Mirsad Đonlagić

Pitanja postavljena predsjedavajućem Vijeća ministara BiH:

1. Ko je i na osnovu kojih kriterija utvrdio listu projekata s kojima BiH aplicira na razne evropske i svjetske adrese, te nudi kao prijedlog zajedničkom investiranju susjednih zemalja?
Molim da se Predstavničkom domu Parlamentarne skupštine BiH dostavi na uvid i znanje data lista projekata koja je utvrđena, te informacija o tome kako je lista usvojena, ko je sastavio i po kojim kriterijima.
2. Koliko je od navedenih milijardu eura BiH do sada iskoristila, dakle ne koliko planiramo iskoristiti, odnosno koju direktnu korist su građani BiH već ostvarili usvajanjem Okvirne saobraćajne politike, te šta bi se dogodilo da ona nije usvojena.

Pitanje postavljeno ministru vanjskih poslova BiH (povodom informacije da je od blagajnika Ministarstva vanjskih poslova BiH, na putu od banke do radnog mjesta, odnosno putu dugom nešto više od stotinu metara, oteto 50.000 KM u gotovini):

„Šta je konkretno Ministarstvo vanjskih poslova BiH preduzelo po pitanju otuđenja novca iz budžeta institucija BiH? Je li Ministarstvo vanjskih poslova BiH provelo postupak utvrđivanja odgovornosti i propusta za otuđenje koje je izvedeno pred sigurnosnim kamerama, te jesu li akteri događaja procesuirani i hoće li novac biti nadoknađen budžetu institucija BiH?“

Inicijativa upućena Ministarstvu civilnih poslova BiH:

Na osnovu člana 170. Poslovnika Predstavničkog doma Parlamentarne skupštine BiH, pokrećem sljedeću inicijativu: S obzirom na aktuelnost pitanja, naročito za mladu generaciju koja je na putu traženja zaposlenja nakon završenih studija, predlažem da konačno, nakon svih dosadašnjih rasprava, stavova i neusaglašenih detalja,

Ministarstvo za civilne poslove BiH pripremi Prijedlog teksta, a Vijeće ministara BiH da usvoji pravilnik o akademskim zvanjima.“

U skladu s članom 170. Poslovnika, tokom ove sjednice Doma pitanja i inicijative u pisanoj formi postavili su poslanici:

- **Senad Šepić** – uputio dvije inicijative Vijeću ministara BiH
- **Denis Bećirović** – postavio sedam pitanja predsjedavajućem Vijeća ministara BiH
- **Denis Bećirović i Senad Šepić** uputili inicijativu Kolegiju Predstavničkog doma PSBiH

Sadržaj postavljenih pitanja i inicijativa je sljedeći:

Senad Šepić

Inicijativa upućena Vijeću ministara BiH (1):

„Predlažem da u pripremi dnevnog reda naredne zajedničke sjednice Vijeća ministara BiH i Vlade Republike Hrvatske obavezno utvrdite sljedeće tačke:

1. Stavljanje u funkciju Unske pruge i zajednička kandidatura ovog projekta na konferenciji o zapadnom Balkanu koja će biti održana u julu ove godine u Francuskoj.
2. Rješavanje statusa graničnih prijelaza i prekategoriizacija malograničnih prijelaza na prostoru USK, a radi rješavanja dugih zastoja, gužvi i maltretiranja naših građana na postojećim graničnim prijelazima, posebno Maljevac - Velika Kladuša.
3. Izgradnja odlagališta nuklearnog otpada na lokalitetu Čerkezovac i sprečavanje, radi interesa BiH i njenih građana.“

Inicijativa upućena Vijeću ministara BiH (2):

„Predlažem da Vijeće ministara BiH i druge nadležne institucije pripreme projekat i jasan finansijski plan stavljanja u funkciju Unske pruge i predlože ga i kandidiraju kao jedan od prioriteta BiH na narednoj konferenciji o zapadnom Balkanu koja će biti održana ove godine u Francuskoj. Također, molim da obavijeste Parlamentarnu skupštinu BiH o svom djelovanju o ovom pitanju u narednih 30 dana.“

Denis Bećirović

Pitanja upućena predsjedavajućem Vijeća ministara BiH i Vijeću ministara BiH:

1. Šta je konkretno urađeno u aktuelnom mandatu Vijeća ministara BiH s ciljem da Direkcija za evropske integracije bude obnovljena i ojačana u njenim baznim nadležnostima?
2. Šta je konkretno urađeno u aktuelnom mandatu Vijeća ministara BiH s ciljem izrade Nacionalnog plana ekonomskih reformi kojim će biti obuhvaćeni ranije pripremani ekonomski-fiskalni program, ali i mjere sektorskih strukturalnih reformi čiji je cilj poboljšanje konkurentnosti?
3. Šta je konkretno urađeno u aktuelnom mandatu Vijeća ministara BiH s ciljem realiziranja preporuka misije Ureda za hranu i veterinarstvo EU u vezi s dostizanjem standarda za izvoz namirnica životinjskog porijekla na tržište EU?
4. Šta je konkretno urađeno u aktuelnom mandatu Vijeća ministara BiH s ciljem reforme javne uprave koja je jedan od preduslova za uspješnu integraciju BiH u Evropsku uniju?

5. Šta je konkretno urađeno u aktuelnom mandatu Vijeća ministara BiH s ciljem uspostavljanja sistema redukcije administrativnih prepreka?
6. Šta je konkretno urađeno u aktuelnom mandatu Vijeća ministara BiH s ciljem obuke službenika za strateško komuniciranje i odnose s javnošću?
7. Šta je konkretno urađeno u aktuelnom mandatu Vijeća ministara BiH s ciljem izgradnje kapaciteta za borbu protiv korupcije u strukturama državne službe u BiH?

Denis Bećirović i Senad Šepić

Inicijativa upućene Kolegiju Predstavničkog doma PSBiH:

„Zadužuje se Ministarstvo sigurnosti BiH da najkasnije u roku od 30 dana od usvajanja ove inicijative u Predstavničkom domu Parlamentarne skupštine BiH sačini i u parlamentarnu proceduru dostavi informaciju o djelovanju organizacija i grupa koje na teritoriji Bosne i Hercegovine šire nacionalnu, vjersku i svaku drugu mržnju.“

Predsjedavajuća je rekla da su do današnje sjednice dostavljeni sljedeći odgovori na poslanička pitanja:

- na pitanja **Nikole Lovrinovića**, postavljena u pisanoj formi na 24. sjednici, odgovore su dostavili: Ured disciplinskog tužioca Visokog sudskog i tužilačkog vijeća BiH i Služba za stambene i komunalne poslove, poslove obnove, razvoja i zaštite okoliša Općine Novo Sarajevo;
- na pitanja **Senada Šepića**, postavljena u pisanoj formi na 22. sjednici, odgovore su dostavili:
 - Vlada Srednjobosanskog kantona prosljedila je odgovor Ministarstva privrede Srednjobosanskog kantona,
 - Vijeće ministara BiH dostavilo je dva odgovora,
 - Vlada Federacije BiH prosljedila je odgovor Federalnog ministarstva razvoja, poduzetništva i obrta,
 - na inicijativu podnesenu na 23. sjednici odgovor je dostavilo Vijeće ministara BiH i na pitanje postavljeno u pisanoj formi Vlada Unsko-sanskog kantona prosljedila je odgovor kantonalnog zavoda za zdravstveno osiguranje,
 - na pitanje postavljeno u pisanoj formi na 24. sjednici Vijeće ministara BiH prosljedilo je odgovor Agencije za rad i zapošljavanje BiH;
- na pitanje **Šemsudina Mehmedovića**, postavljeno u pisanoj formi na 22. sjednici, odgovor je dostavilo Vijeće ministara BiH;
- na pitanje **Momčila Novakovića**, postavljeno u pisanoj formi na 23. sjednici, odgovor je dostavilo Vijeće ministara BiH;
- Vijeće ministara BiH dostavilo je odgovor na pitanja **Damira Arnauta** postavljena:
 - u pisanoj formi na 20. sjednici,
 - na dopunsko pitanje s 22. sjednice,
 - pitanje postavljeno u pisanoj formi na 23. sjednici,
 - pitanje postavljeno u pisanoj formi na 24. sjednici te
 - na pitanja postavljena u pisanoj formi na 25. sjednici odgovor dostavila Institucija ombudsmena za ljudska prava BiH;
- na pitanje **Hanke Vajzović**, postavljeno u usmenoj formi na 24. sjednici, odgovor je dostavilo Vijeće ministara BiH;

- na pitanja **Denisa Bećirovića**, postavljena u pisanoj formi na 23. i 24. sjednici, odgovore je dostavilo Vijeće ministara BiH;
- na pitanje **Aleksandre Pandurević**, postavljeno u pisanoj formi na 24. sjednici, odgovor je dostavilo Vijeće ministara BiH;
- na pitanje **Fehima Škaljića**, postavljeno na 16. sjednici, odgovor je dostavilo Vijeće ministara BiH;
- na pitanje **Salka Sokolovića**, postavljeno na 25. sjednici, odgovor je dostavilo Vijeće ministara BiH i Ministarstvo finansija i trezora BiH.

Dostavljene odgovore komentirali su poslanici: Aleksandra Pandurević, Senad Šepić, Momčilo Novaković, Hanka Vajzović, Šemsudin Mehmedović, Fehim Škaljić, Damir Arnaut, Nikola Lovrinović i Jasmin Emrić.

Aleksandra Pandurević komentirala je dobiveni odgovor od Vijeća ministara BiH i izrazila nezadovoljstvo njegovim sadržajem.

Senad Šepić komentirao je odgovor na pitanje o aktivnostima na obnovi i stavljanju u funkciju Unske pruge.

Momčilo Novaković komentirao je dobiveni odgovor.

Hanka Vajzović komentirala je dobiveni odgovor i izrazila nezadovoljstvo njegovim sadržajem.

Šemsudin Mehmedović komentirao je dobiveni odgovor.

Fehim Škaljić komentirao je dobiveni odgovor.

Jasmin Emrić komentirao je dobiveni odgovor i najavio pokretanje inicijative za dopunu Plana investiranja za željezničku infrastrukturu za period 2015. do 2020. godine.

Damir Arnaut izrazio je zadovoljstvo odgovorom dobivenim od Odjela za dokumentaciju i informacije INDOK sektora Zajedničke službe PSBiH i Institucije ombudsmena za ljudska prava BiH, te nezadovoljstvo odgovorom dobivenim od Ministarstva vanjske trgovine i ekonomskih odnosa BiH. Također, izrazio je nezadovoljstvo odgovorom, te stavom Ministarstva vanjskih poslova BiH kada su u pitanju poslanička pitanja.

Nikola Lovrinović izrazio je nezadovoljstvo odgovorima dobivenim od Visokog sudskog i tužilačkog vijeća BiH, Zajedničkog kolegija oba doma PSBiH i načelnika Općine Novo Sarajevo, te nezadovoljstvo činjenicom da Tužilaštvo BiH još uvijek nije dostavilo svoje odgovore na postavljena pitanja.

Jasmin Emrić izrazio je nezadovoljstvo jer Vijeće ministara BiH još uvijek nije dostavilo odgovor na inicijativu u vezi sa izgradnjom deponije ili odlagališta radioaktivnog i nuklearnog otpada u općini Dvor uz granicu s Bosnom i Hercegovinom.

Ad. 3. Zahtjev Vijeća ministara BiH za razmatranje Prijedloga zakona o izmjeni Zakona o Javnom radiotelevizijskom sistemu Bosne i Hercegovine po hitnom postupku, zakon broj: 01,02-02-1-637/16, od 22.2.2016.

Prvi zamjenik predsjedavajuće dao je uvodne napomene.

U raspravi su učestvovali: Nikola Lovrinović, Sadik Ahmetović, Momčilo Novaković, Damir Arnaut, Aleksandra Pandurević, Denis Bećirović, Mirsad Mešić, Dušanka Majkić i Šefik Džaferović.

Zahtjev za hitni postupak usvojen je s 24 glasa „za“ (iz Federacije BiH 19, iz Republike Srpske pet), devet „protiv“ i tri glasa „suzdržan“.

Prijedlog zakona o izmjeni Zakona o Javnom radiotelevizijskom sistemu Bosne i Hercegovine, po hitnom postuku, usvojen je s 25 glasova „za“ (iz Federacije BiH 20, iz Republike Srpske pet), 10 glasova „protiv“ i jednim glasom „suzdržan“.

U raspravi su zaključke predložili Nikola Lovrinović i Dušanka Majkić.

Nikola Lovrinović predložio je tri zaključka, te je prilikom glasanja odustao od trećeg. Prvi prijedlog zaključka nije usvojen. Za“ je glasalo 10 poslanika (iz Federacije BiH pet, iz Republike Srpske pet), „protiv“ je bilo 20 poslanika, a „suzdržanih“ šest. Prijedlog zaključka glasi: *„Predstavnički dom PSBiH odogovornima za neprovođenje Zakona o Javnom RTV sistemu, a time i o BHRT-u kao servisu smatra Upravni odbor Sistema, odnosno BHRT-a.“* Drugi prijedlog zaključka također nije usvojen. Za“ je glasalo 10 poslanika (iz Federacije BiH pet, iz Republike Srpske pet), „protiv“ su bila 24 poslanika, a „suzdržana“ dva. Prijedlog zaključka glasi: *„Predstavnički dom PSBiH razrješava dužnosti Upravni odbor BHRT-a i zahtijeva da se pokrene postupak imenovanja novog sastava.“*

Zatim se glasalo o prijedlogu zaključka Dušanke Majkić. Prijedlog zaključka nije usvojen. Za“ je glasalo pet poslanika (iz Federacije BiH jedan, iz Republike Srpske četiri), „protiv“ je bilo 17 poslanika, a „suzdržanih“ 14. Prijedlog zaključka glasi: *„Predstavnički dom PSBiH traži da Odbor Sistema najkasnije do 30.4.2016. predloži novi model naplate RTV takse i o tome obavijesti Prestavnički dom PSBiH.“*

Ad. 4. Prijedlog zakona o izmjenama i dopunama Zakona o kontroli kretanja oružja i vojne opreme, predlađač: Vijeće ministara BiH, broj: 01,02-02-1-36/15, od 28.12.2015. (drugo čitanje)

Nakon uvodnih napomena nije bilo rasprave.

Prijedlog zakona o izmjenama i dopunama Zakona o kontroli kretanja oružja i vojne opreme usvojen je u drugom čitanju s 35 glasova „za“ (iz Federacije BiH 25, iz Republike Srpske 10), bez glasova „protiv“ i jednim glasom „suzdržan“.

Ad. 5. Prijedlog zakona o dopunama Zakona o odlikovanjima Bosne i Hercegovine, predlagač: Vijeće ministara BiH, zakon broj: 01,02-02-1-37/15, od 16.2.2016. (prvo čitanje)

Nakon uvodnih napomena nije bilo rasprave.

Prijedlog zakona o dopunama Zakona o odlikovanjima Bosne i Hercegovine usvojen je u prvom čitanju s 34 glasa „za“ (iz Federacije BiH 24, iz Republike Srpske 10), bez glasova „protiv“ i dva glasa „suzdržan“.

Ad. 6. Prijedlog službene verzije prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera, predlagač: Ustavnopravna komisija Predstavničkog doma, broj: 01/1-50-3-1-23/16, veza: 01/1,02/1-02-22/15, od 4.2.2016.

Nakon uvodnih napomena nije bilo rasprave.

Dom je, s 35 glasova „za“ (iz Federacije BiH 25, iz Republike Srpske 10), bez glasova „protiv“ i jednim glasom „suzdržan“, utvrdio službenu verziju prečišćenog teksta Zakona Bosne i Hercegovine o izvršenju krivičnih sankcija, pritvora i drugih mjera.

Ad. 7. Prijedlog službene verzije prečišćenog teksta Zakona o državljanstvu Bosne i Hercegovine, predlagač: Ustavnopravna komisija Predstavničkog doma, broj: 01/1-50-3-1-23/16, veza: 01,02-02-1-13/15, od 4.2.2016.

Nakon uvodnih napomena nije bilo rasprave.

Dom je, s 36 glasova „za“ (iz Federacije BiH 25, iz Republike Srpske 11), bez glasova „protiv“ i bez glasova „suzdržan“, utvrdio službenu verziju prečišćenog teksta Zakona o državljanstvu Bosne i Hercegovine.

Ad. 8. Izvještaj o radu parlamentarnog vojnog povjerenika BiH za 2015., broj: 01,02-50-19-419/16, od 4.2.2016.

Nakon uvodnih napomena otvorena je rasprava.

U raspravi su učestvovali: Dušanka Majkić, Hanka Vajzović i Šefik Džaferović.

Izvještaj o radu parlamentarnog vojnog povjerenika BiH za 2015. usvojen je s 34 glasa „za“ (iz Federacije BiH 24, iz Republike Srpske 10), bez glasova „protiv“ i dva glasa „suzdržan“.

Ad. 9. Izvještaj o radu Odbora za žalbe građana PSBiH za 2015., broj: 01,02-50-19-469/16, od 8.2.2016.

Nakon uvodnih napomena otvorena je rasprava.

U raspravi su učestvovala Dušanka Majkić i Hanka Vajzović.

Izvještaj o radu Odbora za žalbe građana PSBiH za 2015. usvojen je s 31 glasom „za“ (iz Federacije BiH 20, iz Republike Srpske 11), bez glasova „protiv“ i pet glasova „suzdržan“.

Dušanka Majkić je u raspravi predložila sljedeći zaključak: *„Predstavnički dom PSBiH nalaže Vijeću ministara BiH da u najkraćem roku preduzme mjere neophodne za uspostavljanje jedinstvenog funkcionalnog sistema videonadzora na graničnim prijelazima.“*

Zaključak je usvojen s 33 glasa „za“ (iz Federacije BiH 22, iz Republike Srpske 11), tri glasa „protiv“ i bez glasova „suzdržan“.

Prije prelaska na 10. tačku dnevnog reda, glasalo se o prijedlogu da se objedini rasprava o tačkama 10. - 15. dnevnog reda, s obzirom na to da se radi o izvještajima stalnih komisija Predstavničkog doma. Prijedlog za objedinjavanje rasprave prihvaćen je s 28 glasova „za“ (iz Federacije BiH 18, iz Republike Srpske 10), jednim „protiv“ i 12 glasova „suzdržan“.

Ad.10. – 15. Izvještaji o radu stalnih komisija Predstavničkog doma Parlamentarne skupštine BiH za 2015. godinu

Nakon uvodnih napomena otvorena je rasprava. U raspravi su učestvovali: Maja Gasal - Vražalica, Dušanka Majkić, Borislav Bojić, Momčilo Novaković i Šemsudin Mehmedović.

Nakon rasprave, na glasanje je dat prijedlog da se objedini glasanje o svim izvještajima. Ovaj prijedlog prihvaćen je s 26 glasova „za“ (iz Federacije BiH 15, iz Republike Srpske 11), osam glasova „protiv“ i dva glasa „suzdržan“.

Izvještaji o radu stalnih komisija Predstavničkog doma Parlamentarne skupštine BiH za 2015. godinu usvojeni su s 28 glasova „za“ (iz Federacije BiH 17, iz Republike Srpske 11), šest glasova „protiv“ i dva glasa „suzdržan“.

Prije prelaska na 16. tačku dnevnog reda, glasalo se o prijedlogu da se objedini rasprava o tačkama 16. - 21. dnevnog reda, s obzirom na to da se radi o izvještajima stalnih zajedničkih komisija oba doma PSBiH. Prijedlog za objedinjavanje rasprave prihvaćen je s 25 glasova „za“ (iz Federacije BiH 15, iz Republike Srpske 10), bez glasova „protiv“ i 14 glasova „suzdržan“.

Ad.16. – 21. Izvještaji o radu stalnih zajedničkih komisija oba doma Parlamentarne skupštine BiH za 2015. godinu

Nakon uvodnih napomena otvorena je rasprava. U raspravi su učestvovali: Nermina Kapetanović, Dušanka Majkić, Nikola Lovrinović i Momčilo Novaković.

Nakon rasprave, na glasanje je dat prijedlog da se objedini glasanje o svim izvještajima. Ovaj prijedlog prihvaćen je s 27 glasova „za“ (iz Federacije BiH 16, iz Republike Srpske 11), osam glasova „protiv“ i jednim glasom „suzdržan“.

Izvještaji o radu stalnih zajedničkih komisija oba doma Parlamentarne skupštine BiH za 2015. godinu usvojeni su s 29 glasova „za“ (iz Federacije BiH 18, iz Republike Srpske 11), četiri glasa „protiv“ i tri glasa „suzdržan“.

Ad. 22. Specijalni izvještaj: „Pristupačnost radnih prostora zakonodavnih organa u Bosni i Hercegovini licima s invaliditetom“, podnosilac: Institucija ombudsmena za ljudska prava BiH, broj: 01,02,03-12-501/16, od 10.2.2016.

Nakon uvodnih napomena nije bilo prijavljenih za raspravu.

Specijalni izvještaj: „Pristupačnost radnih prostora zakonodavnih organa u Bosni i Hercegovini licima s invaliditetom“ usvojen je s 35 glasova „za“ (iz Federacije BiH 24, iz Republike Srpske 11), bez glasa „protiv“ i jednim glasom „suzdržan“.

Nakon toga, predsjedavajuća je dala na glasanje zaključak sadržan u Mišljenju Zajedničke komisije za ljudska prava PSBiH, koji glasi: *„Predstavnički dom Parlamentarne skupštine BiH traži od Institucije ombudsmena za ljudska prava BiH da u roku od šest mjeseci dopuni Specijalni izvještaj na način da konačni izvještaj odgovara stvarnom stanju.“* Zaključak je usvojen s 34 glasa „za“ (iz Federacije BiH 24, iz Republike Srpske 10), bez glasova „protiv“ i dva glasa „suzdržan“.

Ad. 23. Specijalni izvještaj o (ne)poštivanju ljudskih prava i prava iz oblasti rada u kompaniji „Boksit“ Milići, s preporukama, podnosilac: Institucija ombudsmena za ljudska prava BiH, akt broj: 03/6-37-471/16, od 9.2.2016.

Nakon uvodnih napomena otvorena je rasprava. U raspravi su učestvovali Borislav Bojić i Aleksandra Pandurević.

Specijalni izvještaj o (ne)poštivanju ljudskih prava i prava iz oblasti rada u kompaniji „Boksit“ Milići, s preporukama, usvojen je s 31 glasom „za“ (iz Federacije BiH 25, iz Republike Srpske šest), četiri glasa „protiv“ i jednim glasom „suzdržan“.

Poslanik Borislav Bojić u raspravi je predložio zaključak koji glasi: *Predstavnički dom Parlamentarne skupštine BiH poziva Okružno tužilaštvo u Istočnom Sarajevu i Ministarstvo unutrašnjih poslova Republike Srpske da hitno preduzmu mjere u skladu sa svojim nadležnostima, a u vezi sa Specijalnim izvještajem ombudsmena za ljudska prava Bosne i Hercegovine o (ne)poštivanju ljudskih prava iz oblasti rada u kompaniji „Boksit“ Milići, u kojem je utvrđeno da je došlo do ugrožavanja sigurnosti, fizičkog napada, povrede prava na rad; korištenja poligrafa kao metoda discipliniranja radnika, mimo Zakona o radu i drugih općih propisa kojima se regulira oblast radnih odnosa, zbog čega se njegovo korištenje može doživjeti kao mobing; te uspostavljanja zabrane kretanja i zastrašivanja te iznošenja optužbi, koje nisu utvrđene u zakonom propisanim procedurama, čime se*

ograničavaju osnovna ljudska prava.“ Zaključak je usvojen s 29 glasova „za“ (iz Federacije BiH 22, iz Republike Srpske sedam), četiri glasa „protiv“ i tri glasa „suzdržan“.

Ad. 24. Dopis Ureda za reviziju institucija, akt broj: 01-16-1-227/16, od 18.1.2016.

Nakon uvodnih napomena otvorena je rasprava. U raspravi su učestvovali Dušanka Majkić i Nikola Lovrinović.

Predsjedavajuća je dala na glasanje prijedloge zaključaka iz Mišljenja Komisije za finansije i budžet Predstavničkog doma. S 26 glasova „za“ (iz Federacije BiH 18, iz Republike Srpske osam), bez glasova „protiv“ i 10 glasova „suzdržan“, Dom je usvojio zaključke, a oni glase:

- 1. Institucije BiH dužne su da pri izradi, usvajanju i primjeni zakonskih i podzakonskih akata osiguraju da navedeni propisi ne ugrožavaju funkcionalnu, organizacionu i finansijsku nezavisnost Ureda za reviziju institucija BiH.*
- 2. Predstavnički dom Parlamentarne skupštine BiH traži od Vijeća ministara BiH da prioritarno i trajno riješi pitanje smještaja Ureda za reviziju institucija BiH.*

U raspravi je poslanica Dušanka Majkić predložila zaključak koji glasi: „Predstavnički dom PSBiH traži od Vijeća ministara BiH da izmijeni Pravilnik o korištenju telefona, Pravilnik o uslovima nabavke i načinu korištenja službenih vozila u institucijama BiH, Pravilnik o korištenju sredstava reprezentacije i izuzme od primjene ovih pravilnika Ured za reviziju institucija BiH.“

„Za“ prijedlog zaključka glasalo je 16 poslanika (iz Federacije BiH sedam, iz Republike Srpske devet), „protiv“ 14, „suzdržanih“ je bilo šest. Predsjedavajuća je konstatala da nema potrebne entitetske većine i da će Kolegij Doma kao komisija obaviti naknadno usaglašavanje o prijedlogu zaključka poslanice Dušanke Majkić.

Ad. 25. Razmatranje poslaničke inicijative Damira Arnauta, broj: 01-50-1-441/16, od 8.2.2016.

Nakon uvodnih napomena, otvorena je rasprava. U raspravi su učestvovali: Damir Arnaut, Dušanka Majkić, Zaim Backović i Senad Šepić.

U raspravi je zaključak predložio Damir Arnaut.

Poslanička inicijativa Damira Arnauta usvojena je s 23 glasa „za“ (iz Federacije BiH 17, iz Republike Srpske šest), jednim „protiv“ i 12 „suzdržanih“.

Zaključak poslanika Damira Arnauta usvojen je sa 18 glasova „za“ (iz Federacije BiH 13, iz Republike Srpske pet), dva „protiv“ i 16 glasova „suzdržan“. Zaključak glasi: „Obavezuje se Vijeće ministara BiH da uspostavi Interresornu radnu grupu za analizu stanja i predlaganje modaliteta uvođenja novih tehnologija u izborni proces u Bosni i Hercegovini, vodeći računa da, osim predstavnika institucija koje je predložila Centralna izborna komisija BiH, u ovu interresornu radnu grupu također uključi predstavnika Ministarstva pravde BiH ili Ministarstva finansija i trezora BiH.“

Ad. 26. Razmatranje poslaničke inicijative Damira Arnauta, broj: 01-50-1-442/16, od 8.2.2016.

Nakon uvodnih napomena, otvorena je rasprava. U raspravi su učestvovali: Damir Arnaut, Momčilo Novaković, Zaim Backović, Maja Gasal-Vražalica, Hazim Rančić, Milica Marković, Mirsad Isaković, Senad Šepić, Lazar Prodanović, Diana Zelenika i Safer Demirović.

„Za“ inicijativu poslanika Damira Arnauta glasalo je 15 poslanika (iz Federacije BiH), „protiv“ 11, „suzdržanih“ deset. Predsjedavajuća je konstatirala da nema potrebne entitetske većine. Kolegij je odmah obavio usaglašavanje. Saglasnost nije postignuta. U drugom krugu glasanja inicijativa nije usvojena – „za“ je glasalo 15 poslanika, „protiv“ 11 (iz Federacije BiH jedan, iz Republike Srpske 10), „suzdržanih“ je bilo 10.

Ad. 27. Razmatranje poslaničke inicijative Mensure Beganović, broj: 01-50-1-504/16, od 11.2.2016.

Nakon uvodnih napomena, predsjedavajuća je otvorila raspravu. U raspravi su učestvovali: Mensura Beganović, Damir Arnaut, Dušanka Majkić, Zaim Backović i Senad Šepić.

„Za“ inicijativu poslanice Mensure Beganović glasala su 24 poslanika (iz Federacije BiH), „protiv“ 10, „suzdržana“ dva. Predsjedavajuća je konstatirala da nema potrebne entitetske većine. Kolegij je odmah obavio usaglašavanje. Saglasnost nije postignuta. U drugom krugu glasanja inicijativa nije usvojena – „za“ je glasalo 25 poslanika, „protiv“ 10 (iz Republike Srpske), „suzdržan“ je bio jedan.

Ad. 28. Razmatranje poslaničke inicijative Maje Gasal-Vražalice, broj: 01-50-1-537/16, od 12.2.2016.

Predsjedavajuća je dala uvodne napomene i otvorila raspravu. Diskutirala je Maja Gasal-Vražalica.

„Za“ inicijativu poslanice Maje Gasal-Vražalice glasala su 22 poslanika (iz Federacije BiH 21, iz Republike Srpske jedan), „protiv“ 9, „suzdržanih“ je bilo pet. Predsjedavajuća je konstatirala da nema potrebne entitetske većine. Kolegij je odmah obavio usaglašavanje. Saglasnost nije postignuta. U drugom krugu glasanja inicijativa nije usvojena – „za“ su glasala 22 poslanika, „protiv“ 10 (iz Republike Srpske), „suzdržana“ su bila četiri.

Ad. 29. Dopuna godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2016., podnosilac: Ministarstvo odbrane BiH, broj: 03/1,03/1a-03-339-1/15, od 19.2.2016.

Nakon uvodnih napomena predsjedavajuće nije bilo rasprave.

Dopuna godišnjeg plana obuke i vježbi pripadnika i jedinica Oružanih snaga Bosne i Hercegovine u inozemstvu za 2016. primljena je k znanju s 35 glasova „za“ (iz Federacije BiH 25, iz Republike Srpske 10), bez glasova „protiv“ i jednim glasom „suzdržan“.

Ad. 30. Izvještaj o utvrđivanju rang-liste kandidata za imenovanje zamjenika generalnog revizora Ureda za reviziju institucija BiH, materijal Privremene zajedničke komisije oba doma PSBiH za provođenje procedure za imenovanje zamjenika generalnog revizora Ureda za reviziju institucija BiH, broj: 01,02-34-2-551/16, od 15.2.2016.

Nakon uvodnih napomena, predsjedavajuća je otvorila raspravu. U raspravi su učestvovala Maja Gasal-Vražalica i Diana Zelenika.

S 20 glasova „za“ (iz Federacije BiH 14, iz Republike Srpske šest), 13 glasova „protiv“ i tri glasa „suzdržan“, Dom je imenovao Jasmina Pilicu za zamjenika generalnog revizora Ureda za reviziju institucija BiH.

Ad. 31. Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta, predlagač: Zajednički kolegij oba doma PSBiH, broj: 01,02-50-14-838/16, od 16.3.2016.

Nakon uvodnih napomena predsjedavajuće nije bilo rasprave.

Prijedlog zaključka o osnivanju Privremene zajedničke komisije oba doma Parlamentarne skupštine BiH za provođenje procedure za izbor četiri člana Upravnog odbora Agencije za razvoj visokog obrazovanja i osiguranje kvaliteta usvojen je s 20 glasova „za“ (iz Federacije BiH 14, iz Republike Srpske šest), 12 „protiv“ i četiri glasa „suzdržan“. Za članove Privremene zajedničke komisije iz Predstavničkog doma imenovani su poslanici: Nenad Lalić, Mirsad Đonlagić i Nikola Lovrinović.

Ad. 32. Davanje saglasnosti za ratifikaciju Protokola o saradnji u traženju nestalih lica između Vijeća ministara BiH i Vlade Republike Srbije, broj: 01,02-05-2-541/16, od 15.2.2016.

Nakon uvodnih napomena, predsjedavajuća je otvorila raspravu. U raspravi su učestvovali: Mirsad Mešić, Šefik Džaferović, Zaim Backović, Denis Bećirović, Milica Marković, Damir Arnaut, Mladen Bosić, Sadik Ahmetović, Lazar Prodanović, Fehim Škaljić, Nermina Kapetanović i Hanka Vajzović.

Dom je dao saglasnost za ratifikaciju Protokola o saradnji u traženju nestalih lica između Vijeća ministara BiH i Vlade Republike Srbije, s 25 glasova „za“ (iz Federacije BiH 14, iz Republike Srpske šest), pet glasova „protiv“ i šest „suzdržanih“.

Ad. 33. Davanje saglasnosti za ratifikaciju Okvirnog sporazuma o zajmu između Razvojne banke Vijeća Evrope i Bosne i Hercegovine LD 1836 (2014.) – kredit

za socijalni program stambenog zbrinjavanja u Bosni i Hercegovini, u Republici Srpskoj, koji provodi Investiciono-razvojna banka Republike Srpske (IRBRS), broj: 01,02-05-2-542/16, od 15.2.2016.

Nakon uvodnih napomena predsjedavajuće nije bilo rasprave.

Dom je dao saglasnost za ratifikaciju Okvirnog sporazuma o zajmu između Razvojne banke Vijeća Evrope i Bosne i Hercegovine LD 1836 (2014.) – kredit za socijalni program stambenog zbrinjavanja u Bosni i Hercegovini, u Republici Srpskoj, koji provodi Investiciono-razvojna banka Republike Srpske (IRBRS), s 32 glasa „za“ (iz Federacije BiH 21, iz Republike Srpske 11), bez glasova „protiv“ i četiri „suzdržana“.

Sjednica je završena u 20,55 sati.

Sastavni dio Zapisnika je transkript 26. sjednice Predstavničkog doma.

SEKRETAR
PREDSTAVNIČKOG DOMA

Marin Vukoja


PREDSJEDAVAJUĆA
PREDSTAVNIČKOG DOMA

Borjana Krišto

